

與蜜同和丸如彈子大每服一九細嚼下○治惡瘡
死肉用巴豆一錢去皮油五靈脂半兩黃丹二錢飛
枯白礬一錢爲細末以糊和爲錠子入瘡內用之○
治惡瘡用紫花地丁根曬乾以四箇半頭磚壘成爐
子燒着地丁用絡漿甑一塊蓋了使甑眼內煙出薰
瘡出黃水自愈○治諸瘡水度腫用生白礬爲末水
調塗之自消○治肺受熱毒遍身生瘡用苦參爲末
粟米飯和丸如桐子大每服五十九空心米飲下○
治黃泡軟瘡用清油二兩青木香半兩青竹茹一小
團杏仁二七粒去皮尖共置鐵鉢內慢火熬令杏仁

色黃去滓入松脂末半兩熬成膏每用少許擦瘡上
○治一切瘡癰癰疽發背已潰未潰悉皆治之大能
排膿血生肌肉用巴豆去殼膜淨二兩木鱉子去殼
二兩黃丹四兩飛過研細清油十兩槐柳嫩枝各七
條七寸長剉細先將木鱉巴豆槐柳油內浸一宿慢
火熬諸藥黑色用生絹濾出渣復熬下丹用長槐柳
條不住手攪候有微煙煙起即提出點藥滴水面凝
結成珠不散方成膏矣傾磁器內收置新汲水內三
日出毒然後用之○治一切瘡疽及傷折損痛用巴
豆去殼殭蚕去絲嘴赤芍藥白芷各五錢五倍子二

錢黃連一錢亂髮如鷄子大桺柳枝各七寸蓖麻子三十粒去殼猪膏一指面大以清油半斤浸藥三日慢火熬令髮爛出火候冷絹瀝去滓澄清再入銚內熬入飛過黃丹四兩以桃柳枝不住手攪青煙微出爲度要滴在水上不散方成膏却出火攪令溫再入乳香沒藥各五錢桂心末三錢畧上火再攪令勻却以淨磁器收貯用○治灸瘡腫痛用薤白切一升猪脂切一升以苦酒浸經宿微火煎三上三下去滓傳之○治諸瘡并漏瘡中冷水常流不止用胡粉炭白灰等分爲末以臘猪脂和塗大効○又方用黑牛

新屎乘熱封上立効○治諸瘡疔瘡不收口用血竭寒水石各二錢白丁香三錢黃蘗一錢大糞燒灰存性五錢爲末唾津調塗瘡口上○治魚睛瘡遍身赤白頭出水發增寒用硃砂蟾酥白麩各一錢研細末飯丸如蘿蔔子大放瘡口內○治惡瘡發悶嘔逆霍亂用羅兒青甘草各一兩白礬二錢半爲末每服一錢新汲水調下立止○又方用菉豆粉三錢乳香沒藥各一錢研細并花水大糞水澄清調服○治諸瘡癰癰腫表毒用牡蠣大黃梔子等分爲末每服五錢水盞半煎一盞去滓涼服○治風瘡用桔梗防風地榆

薄荷荆芥爲末每服五錢茶調下○治諸般惡瘡
毒去死肉用白礬二兩黃丹一兩礪砂三錢爲末
內同炒去盡水爲度每服量瘡貼上○治瘡毒嘔吐
惡心用乾胭脂半錢棗豆粉三錢研勻新汲水調下
只一服立止○治一切瘡生肌用白芨白欵黃蘗黃
連乳香麝香黃丹等分爲末摻瘡上三二日生肌肉
滿○治一切惡瘡腫瘡并諸般疔瘡用輕粉半錢乳
香沒藥飛白礬各一兩麝香半錢爲細末量瘡乾貼
○治惡瘡用雄雞屎陰乾燒灰存性爲末香油調傅
○又方用燕窩內外泥糞俱研極細羅過以清油調
搽○治豌豆瘡用蕪菁根搗汁挑瘡破傅上三食頃
根出○治惡瘡癩瘻用酸漿草搗傅之○治瘡癩癰
疽用小青葉搗碎貼之甚效○治一切瘡腫及風丹
遍身如棗子痒痛用鷄腸草搗爛傅之○治惡瘡疥
癬風疹用青蒿煎湯洗能殺虫○治中暑靛面上生
癩用山黃楊子搗爛貼之立差○治魚臍瘡腫痛不
可忍者先以針刺瘡上及四畔作孔用白蒿莖取汁
滴入孔中痛即止人不可多食令人昏目○治諸瘡
及金瘡用牛蒡葉貼之○治惡瘡疥癩用狗溺吞又
名朝生暮落花日乾爲末和生油調塗牛糞上黑菌

尤佳○治面上生瘡用曼陀羅曬乾為末少許貼患處○治惡毒瘡癬用天仙蓮葉搗傅之○治遍身執毒瘡痛粘着衣被不得睡用萹蒲一斗剉日乾為末布蓆上令患人恣卧其間仍以被覆既不粘復得睡五七日可愈○治惡瘡疥癬殺虫用酸泔洗之○治諸般惡瘡初發用苦竹頭節長一二寸刮去青皮似紙薄大小隨瘡斟酌用白蒺藜蒼朮烏柏皮厚朴各五錢水一銚同竹筒煎煮將乾為度乘竹筒軟以手按於瘡上頃之筒自粘瘡上不必手按更用前藥分兩再煮一筒候前筒冷以手拔去換熱者如前法其膿自吸入竹筒而瘡即愈○又方吸筒以慈竹為之削去青多用五倍子少用白礬煮筒收起用時再煮鞅安於患處○又方用吳茱萸一兩小蒜二兩共研傅之日三換以好為度○治多年瘡口不乾用冬瓜葉焙為末貼之効○治蛇頭瘡用生黑豆為末却將大梔子殼一箇入末於內籠縛在指頭上即愈○治一切惡瘡癰腫用猪膽生姜汁好黑墨濃磨以鷄翎類掃即愈

癰瘡

治癰瘡用降真香火燒過存性五倍子焙過各一兩

麝香少許焙爲末瘡以漿水洗淨乾傅藥末以帛裹之○治臙瘡并脚腿血風瘡用老松香如琥珀色者磁器內熬過令冷爲末以清油或臘猪脂調成膏用青翦葉一片隨瘡大小以針於光面上密刺眼將膏塗在粗面上油紙裹之先用飛鹽葱椒煎湯洗瘡淨却將翦光面貼瘡絹帛縛定至五七日再洗換藥貼忌油麪發物甚驗○又方用臘月猪膽汁搗生姜傅貼即愈○又方用猪膽同黃蠟熬成膏先以茶清洗瘡淨却用厚紙攤藥貼之○又方用血竭爲末傅瘡以乾爲度○又方用黃丹無名異爲末清油調搽濕則乾傅○又方用茱萸焙乾爲末先以猪膽搽瘡後用末搽上四五日見効○治臙瘡并脚上瘡痛痒流黃水用大黃黃連黃蘗各半兩輕粉飛白礬各半錢淡豆豉竈心土各二兩爲末以花椒熬油調傅瘡上用油紙包定甚効○治臙瘡久不愈用老松香樟腦黃丹炒舊船石灰輕粉或再加白芷川芎蜈蚣爲末鎔化松香加少清油和之以油紙隨瘡大小糊袋盛藥先用水洗瘡淨縛在瘡口上三四日一換若單用白芷川芎蜈蚣三味煎湯洗亦効○治臙瘡久不愈者用川烏黃蘗等分爲末以唾津調塗紙上貼之○

治外腫脚瘡用累經燒過窰窰黃土研極爛入薑葉
赤石脂黃丹輕粉拌勻以清油調稀用油絹盛藥傅
瘡上却以布絹縛定縱痒不可以手開動直候十數
日後瘡愈却去之○治腫瘡用黃蘗末輕粉以猪膽
調成膏攤蠟紙上貼瘡緊札住十日再換○又方用
牛蹄甲油浸燒灰爲末油調傅○又方用蘆汁洗淨
搥乾細刮虎骨傅上○又方用乳香沒藥赤石脂黃
丹各二錢半石膏一兩爲細末生桐油調攤紅絹上
復以絹夾之貼瘡極効○又方用東南桃枝白皮於
火上炙脆爲末乾摻或油調搽○治腫瘡并風瘡用
杉木燒灰存性爲末五焙子瓦上焙乾爲末先以茶
清洗瘡後用荆津水洗以無漿帛拭乾貼藥○又方
用柞柳槐橘桑枝各一捻煎湯洗瘡又用米泔洗過
搥乾後以淨黃蠟鎔開捻成薄餅子如瘡口大七片
每三日換一片至七片瘡必愈○治腫瘡用槐椿桃
棟柳條荆芥熬湯無時沃洗以無漿帛搥乾用生黃
蠟於紙上量瘡大小攤成十箇都拴瘡上三日一次
洗瘡除去着瘡蠟紙膏一箇不用不候一月無問年
深日近必然痊可用之累驗○又方用好粉以香油
調在碗裏以艾燒煙薰黃色抹在瘡上有効○又方

用輕粉一錢黃連末二錢以猪膽一箇針刺七孔滴下汁在盞內調成稠糊用竹攤滿瘡口上以紙數層蓋藥用無糲青絹緊緊拴住過十日再換

疔瘡

治下疔瘡用燈心灰入輕粉麝香少許乾貼立効○又方用飛白礬輕粉麝香爲末先以口含漿水洗淨搥乾貼瘡日上三兩次○治疔瘡用蚕退燒灰三錢輕粉乳香各少許爲末先以溫漿水洗淨乾搽之○治疔瘡久不愈者用海浮石燒紅醋淬數次二兩金銀花一兩爲末每服一錢半日二服瘡在上食後服

在下食前服愈爲度○治下疔瘡用黃連黃蘗等分以猪膽二箇拌浸却用瓦或磚於火上燒紅放藥在上焙乾加乳香沒藥朴硝枯白礬無名異百藥煎血竭苦參共爲末以清油調搽濕則乾搽○又方用蜜陀僧黃連黃蘗輕粉爲末摻之以鹽艾煎湯沃洗○治下疔腫不消用防風荆芥甘草節牛膝等分煎湯薰洗即消○又方用益元散加防風荆芥何首烏煎湯溫洗之○治疔瘡用輕粉韶粉和勻摻之○治疔瘡用爐甘石火煨醋淬爲末油調塗加孩兒茶尤好○又方用生銀杏搗爛搽之○又方用橄欖燒灰

為末油調搽○又方用黃蘗以鷄子清和炒三五次
為末油調搽濕則乾摻

漆瘡

治漆瘡用蟹汁塗之即愈○又方用芒硝濃煎湯沃
洗○又方用白礬煎湯浸洗○又方用杉木煎湯洗
効○又方用莽草葉煎湯洗○又方用無名異末水
調傅○又方用羊乳傅之愈亦治蜘蛛瘡飲之尤妙
○治漆瘡凍瘡犬咬瘡並用秫米嚼爛塗傅○治漆
瘡久不差用漆草搗爛傅之患處立効

疥癬

治疥初成或治痛時用姜黃傅之○治瘡癬初生或
始痛時用鹽口嚼塗之○治瘡癬用蛇床子末和猪脂塗
之○治癬瘡用蘆薈一两甘草炙半兩為末先以溫漿水
洗淨帛拭乾傅之立差○治疥癬滿身作瘡用何首烏艾
等分水濃煎浸洗甚能解痛生肌肉○治生癬疥用藜蘆
為末生油和傅○又方用松膠研細入少輕粉先用泔水
傅末一日夜乾頑者三兩度○治癬瘡并一切蟲腫毒用羊
蹄根醋磨塗速効○治疥瘡用巴豆十粒火炮黃去皮膜
右順手研如麩入酥與膩粉少許同研勻抓疥破以竹
篦子點藥不得落眼內及外腎上如薰炙着外腎以

黃丹塗甚妙○治癬濕痒用楮葉半斤爛搗封癬上
○治乾癬積年生痂搔之黃水出每逢陰雨即痒用斑
狗半兩微炒爲末蜜調傳之○又方用狼毒爲末傳之○
治濕癬用蕪荑爲末和白蜜塗○治疥瘡用苦練根醋磨
○又方用薤葉煮湯洗或搗如泥傳之○治濕癬白禿及
杖瘡用馬齒莧熬塗甚効○治頑麻風癬瘡用臘
月牛膽一箇內千年石灰懸掛陰乾以銅燈盞盛
柏油煎皂椿皮數沸撈去椿皮用油調膽內石灰
塗患處數次即愈先以茵陳煎湯洗瘡淨搽藥○
治疥瘡用石灰鍋內炒透出火毒香油調傳

○治癬瘡用椴樹皮爲末醋調傳之○又方用猫兒
眼睛草陰乾爲末小油調傳○又方用山豆根爲末
臘月猪脂調塗之○治遍身疥癬痒痒或致肌肉頑
麻并紫癩白癩風並皆治之用荆芥穗蔓荆子威靈
仙何首烏防風甘草等分爲末每服二錢食後温酒
調服○治瘡癬痒痒不常用蛇床子半兩黃連三分
胡粉一兩結砂子水銀一分同胡粉點水研黑盡爲
末以清油調稀先以鹽漿水洗瘡淨後塗藥乾即換
不過三五度差○治積年疥癩不愈者用水銀三錢
茶末少許於磁器內以唾津擦化爲末輕粉三合狼

毒一兩沉水者一半炒為末一半生用以清油出菜
面一寸高浸三日候藥沉油清只點清油塗瘡上仍
以口鼻於藥盞上吸入藥氣○治疥瘡用及已為末
猪脂調傅甚驗并治惡瘡諸瘦○治疥癩牛皮癬瘡
用陸英葉陰乾為末小油調塗大効○治風疔癬疥
或痒或痛經年不効并一切惡瘡用巴豆三錢去皮
當歸半兩輕粉一錢先以清油半斤慢火熬沸下巴
豆當歸熬至焦黑不用却下黃蠟三錢鎔開次下輕
粉攪勻冷定磁盒內盛之每用量瘡搽抹○治疥瘡
用黃蘗蛇床子白礬等分為細末先用黃蘗花椒厚

朴枳殼各少許巴豆數粒葱三莖置清油二兩內熬
數沸濾去滓將前藥末於熱油內放冷調搽○治頑
癬久不可者用梗樹皮四兩剪草白芨各二兩巴豆
七粒連殼碾為細末新汲水調如糊厚傅癬上乾去
之再傅立効不須拆破○治疥癬無時痛痒愈發有
時不問新久者用吳茱萸牛蒡子荆芥各等分牡蠣
半兩輕粉半錢信砒二錢為細末研勻每臨卧抄一
錢油調遍身搓摩上一半如後有痒不止更以少許
塗之股髀之間聞香悉愈○治諸風疥癬及癩用浮
萍一兩荆芥川芎甘草麻黃各半兩為粗末每服一

兩水一碗入葱白豆豉煎至半碗無時服汗出為度
○治癬雜瘡用白膠香黃蘗輕粉為細末羊骨髓調
塗癬上○治肺風流溢皮膚作瘡癬癢痒多膿水似
癩瘡用五倍子生為末搗丸如菘豆大每服七丸食
後茶酒任下日進三服大妙○治癬瘡用草烏磨塗
大驗○治諸般疥癩瘡用馬兜鈴子一兩半白礬二
錢半硫黃三錢為末以清油調勻塗手上搓熱呵之
以鼻嗅吸其氣瘡自安○治風癢遍身痒用莎草一
握煎湯浴之立効○治遍身風痒瘡疥用茵陳煮濃
汁洗立差○治風癢瘡疥遍身用荆芥濃煎湯洗或

坐浸湯中

丹癩

治大小丹赤遊風腫用景天即慎火草搗汁或乾末
和苦酒傳之○治丹癩瘡用白芷根葉煮汁洗之差
○治大小風癩不止用白礬研細投熱酒中化勻以
馬尾塗之○治丹癩瘡用酪和鹽煮熟以摩之手下
即消○治火丹遍身赤腫用蘿摩草搗汁傳之或就
搗傅臆手即消○治大小赤遊風用芒硝煎汁拭丹
上○治火丹用藍錠傳之即消○治熱遊丹赤腫用
括樓末醃醋調塗之○治五色丹各油腫不可輕忽

用榆白皮末和鷄子清傅之○治丹發疼痛用蒲蓄搗汁服一升末差再服効○治風癩癬痒毒用楓皮或脂煎湯熱洗○治火丹用有刺栗皮煎湯洗○治風癩入腹身體強舌乾燥用蔓菁子二兩爲末每服温酒調一錢七下○治天行癩瘡須臾遍身皆帶白漿此惡毒氣用葵菜葉煮熟以蒜齏啖之則止○治風疾癩癬用牛膝不拘多少酒浸一宿焙乾爲末每服二錢温酒調下○治瘡癬入腹用蚕沙濃煎湯洗避風○治火遊腫流遍身赤色入腹即死用生猪肉貼赤處其肉臭惡虫鳥不食○治火丹赤腫用黃芩

爲末水調塗立止○治五色丹毒遍身散行用乾姜末蜜調塗立愈○又方用甌帶燒灰爲末以鷄子白水和塗之即効○治州毒流腫用蚯蚓糞爲末水和傅之日二次○治癩癬用伏龍肝三五錢置碗內傾熱酒一盞漬少時休取盞盞便吸飲酒立愈○治時疾發豌豆瘡及赤瘡子未透心煩狂躁氣喘妄語或見鬼神用龍眼一錢細研旋滴猪心血和丸如鷄頭大每服一丸紫草湯下心神便定得腫瘡復發透依常將息○治人奔六畜天行時氣豌豆瘡用黍穰濃煮汁洗之差瘡黑者杵蒜封之亦可以芸薹煮湯洗

○治一切癩用枳殼水煮為煎塗之乾又塗○治風癩用枳實醋漬炙熱熨上即消○治風癩痒不止用枳殼三兩麩炒黃去瓢為末每服二錢水一盞煎六分去滓不拘時服○治風癩癭遍身痒成瘡用蚕沙苦參濃煎湯去滓熱洗避風○又方用白殭蚕焙黃為末每服酒調一錢七服立差○治風癩遍身不差用煨過雲母粉清水調服○治風熱遍身癭癩用牛蒡子浮萍等分為末每服二錢薄荷湯調下○治纏蛇丹用竈心土乾研清油調塗○又方用糯米粉和鹽同嚼唾患處○又方用繡鐵釘磨水搽○治癭

癭瘤

癭風毒脚腫並用大戟煮水熱淋日再三日愈
治頸下卒結囊欲成癭用海藻一斤酒二升漬數日稍稍飲之又治頷下瘰癧○治癭氣用海藻昆布等分為末蜜丸如杏核大含嚥津或作散綿裹一錢醋浸含之○治骨石肉膿血五等癭瘤二三年不差大如杯盞或破潰漏膿水令人骨消肉盡或硬或軟寐卧驚悸體中掣縮愈而復發用烏魚骨硫黃琥珀紫石英鍾乳石各一錢白石脂丹參各三錢乾姜附子六黃芒硝各一兩為細末以竹筒盛勿洩氣如瘡濕

摻藥三四度乾者以猪脂和傅此藥止痛除惡肉大
効○治癭瘤結硬用通草二兩杏仁去皮尖牛蒡子
出油各一合吳射干昆布訶梨勒海藻各四兩為末
煉蜜丸如彈子大含化嚙津日三服○治生瘤子用
砒霜硃砂黃丹雄黃粉霜輕粉硃砂沒藥各一錢乳
香三錢斑蝥生用二十箇同研為末糯米粥丸如棊
子樣爆乾先炙破瘤頂三炷為則以藥餅蓋上用黃
藥末水調貼之數日自然枯乾落下○又方用銅綠
為末草刺破瘤摻在上膏藥封貼之○治頭面生瘤
贅用絛絲纏勒瘤根三五日自然退落有驗七夕纏

丸効○治石氣筋血肉五般癭證用海藻洗昆布洗
礬石枯龍膽海蛤通草貝母松蘿各一兩麥麴半夏
湯浸洗七次各一兩三錢為末每服二錢酒調臨臥
徐徐嚙下忌鯽魚雞肉五辛生果油膩物○治皮膚
項面上生瘡瘤大者如拳小者如粟或軟或硬不疼
不痛不可輒用針灸用生南星大者一枚研爛入好
醋五七滴為膏如無生者以乾者為末醋調如膏先
將小針刺痛處令氣透却以藥攤紙上象瘤大小貼
之覺癢則頻貼取効○治瘤贅用黃丹信硃砂各二
錢乳香半錢研細滴水為丸如米大先用針刺破瘤

根肉藥一粒以紙丸塞住紙花封之久而自落忌食雜物○治項瘦用海藻海帶海鰾蛸海蛤昆布各二錢確砂連翹玄參甘草炙各三錢香附子半兩共為末每服一錢飛鹽湯一盞調臨睡徐徐嚥下或以益梅肉搗和丸如杏核大每服一九噙化海藻甘草雖相反惟此劑宜用極効○又方用猪肺管上團肉一塊將新瓦焙乾臨卧細嚼以酒嚥下極効○治疥子用地膚子白礬等分為末煎湯洗數次即盡去○治瘰氣用海藻三兩海鰾蛸二兩海帶兩半大腹子去皮芒硝柳根各一兩珍珠三錢煉蜜丸如杏核大臨

卧噙化一九

金瘡

治金瘡血不止用小薊葉按爛封之○

末貼之立止○又方用桑朮灰傅亦

白芍藥一兩萎黃為末酒調一

痛○又方用紫檀刮取細末傅

升石榴花半斤搗末取少許傅

○又方用血竭末傅之血輒

不出止血止痛用甌帶燒灰

即推入用桑皮作線縫上

磁石滑石等分爲末以白

治金瘡血流用桑皮中白

金瘡血內漏用雄黃如大豆

治金瘡用檳榔黃連少許

青蒿搗爛傅止血定痛生

末塗之○治金瘡刀斧

差○治金瘡用五月五

灰與石灰等分

生肌○又方用

用琥珀屑

黃及足中肉熬末

蚕蛾爲末摻勻

破腹腸突出用

黃石灰等分爲

金瘡用黃蘗四

賊魚骨黃丹飛過各二

血竭韶粉各一兩白

錢研極細和勻厚紙

凡遇金刃所傷血不止

或所傷日久用葱搗

用紙封蓋瘡口留一竅
傷斷脈絡血筒急指去

石刀亦并一切打撲傷損

石灰四兩青煎草蔓蔓各一握約

出本人不語將三味同搗爛次下

晒乾用時旋刮傅之立効此藥傅上無退痂便

又方用黃丹白礬等分爲末貼之○又方用葱炒熟

爛乘熱色縛痛與血隨止葱冷再換○又方用鍋底黑

煨研傅之○又方用無名異末搽○又方用白芨石膏煨

共爲末搽上亦可收口○治刀傷出血用野葛葉搽傅

甚効○又方用五月五日午時取青蒿和石灰搗捻作

餅子收藏凡金刃所傷者刮末傅之○治弓箭傷用端

午日午時採苧蔴葉晒乾爲末貼損處大効

折傷

治一切破傷多用燈心草爛嚼和唾貼之以帛裹蓋

立止○又方用自然銅研極細水飛過同當歸沒藥末各

半錢酒調頻服仍以手摩痛處○治跌骨碎破用生

地黃搗爛尉熱裹三日夜數易若血聚以針決之○

治續斷筋用旋花根洗淨搗量瘡大小傅之日易一

二次乃差○治閃折筋骨傷損用骨碎補爲末煮黃

米粥和之裹傷處○治墜跌傷損瘀血在腹刺痛用
敗蒲席以蒲黃芍藥當歸大黃朴硝煎服血當下○
治下一切惡血用琥珀大黃鱉甲爲末每服方寸七
酒調服○治從高墜下或重物壓損瘀血用琥珀刮
屑方寸七酒調服及取蒲黃二三七服日四五度○
治一切折傷筋骨痲痛用沒藥研爛熟酒調服破癥
消腫推陳置新○治墜落車馬折傷筋骨疼痛用延
胡索爲末豆淋酒調二錢服○治被毆傷瘀血聚腹
滿用豉一升水三升煮三沸分服不差再服○治從
高墜下頭破腦出中風口噤用大豆一升熬去腥勿

使太熟杵末蒸之氣過令甑下盆中以酒一升淋之
溫服覆取汗傳膏瘡上心痛筋攣膝痛脹滿並和甘
草煮服○治馬墜撲損用稻稈燒灰以新熟酒未壓
者連糟入盐和合淋前灰汁以淋痛處立差○治壓
撲損傷用胡桃肉杵和酒溫服便差○治傷損瘀血
用飴糖熬焦和酒服之能下惡血○治折傷用麥麩
和醋蒸包傷處○治墜馬積血心腹唾血無數用乾
荷花并乾藕爲末酒調方寸七日三服○治從高墜
下及打擊內傷用麝香水蛭各一兩剉碎炒煙出爲
末酒調一錢當下畜血未止再服其効如神○治被

打腹中瘀血用白馬蹄燒灰爲末酒服方寸七日三
夜一亦治婦人血病凡食馬肉忌生姜蒼耳孕婦忌
食馬驢驛肉○治撲打墜損惡血攻心悶亂疼痛用
荷葉五斤燒令煙盡爲末食前以軟童便一盞調三
錢七日三服○治磕撲傷損肌膚青腫用茄種通黃
極大者切片如指厚新瓦上焙乾爲末臨卧酒調二
錢七服一夜消盡無痕跡也○治打撲傷損刀斧傷
用夏枯草口嚼爛盒上即愈○治負重擔肩破用剪
猫兒頭上毛以不語唾粘貼破處○治骨頭打碎用
破草鞋燒灰爲末油調塗貼○治擗撲重傷者用生

姜汁四兩香油四兩順攪勻以無灰酒軟調下○又
方用松節煎酒服○治閃肭用米醋糟平胃散相和
卷之○治骨損用醋搗肥皂極爛厚盒之以帛束住
○治打撲刀斧傷損用帶鬚葱燒軟軟搗爛盒之令
則換○治一切破傷血不止者用白麩盒之立止○
治磕撲損傷接骨即將折處湊上綁定用雄雞一隻
取血以好酒一椀欬軟就刺血在內攪勻飲之即愈
○又方用土龜一箇研細以好酒半椀調服隨覺遍
身拘急即愈傷輕者止可用半箇○又方用菘豆粉
半升人髮葱白各二兩同炒九次用自然銅半兩醋

淬五七次共研爲末以骷髏醋調成膏貼之○又方
用蚕沙一小碗入小麥數粒同炒黃爲度菜豆粉一
大匙炒綠色飛白礬二兩輕粉少許共研勻於銅器
內以好醋溫軟調成膏攤於四五層紙上裹損處三
日一換三次即止兼治風濕痺及杖瘡○又方用少
婦髮一團包指頭大乳香一塊在內以麻纏五七層
如雞子大於烈火內燒灰存性爲末每服一字酒調
下○又方用狗頭一箇燒灰存性爲末軟醋調成
膏傳傷處以帛重裹於暖處貼○治傷肢折臂斷筋
損骨但有皮相連者用生地黃研汁好酒和服一月

筋皮連續并杵碎炒軟封損處無比應効○治刀斧
斷筋用金錢子花葉莖根去上淨搗取自然汁滴瘡
口中以滓封瘡上不過半月斷筋即續大効○治打
撲傷損筋骨瘀血在內疼痛用鼠糞燒過爲末以臘
豬脂調傅封裹其痛即止○治打撲胸損痛不可忍
用乳香二錢另研烏梅五箇去核焙爲末白蒿苣子
二兩八錢炒黃爲末白米一捻細研再共研勻煉蜜
丸如栗子大細嚼軟湯送下病在上食後在下食前
○治骨折用乳香末摻極痛處以小黃米粥塗上却
用五靈脂一兩茴香一錢共爲末厚摻以帛裹定用

木片夾之少壯人二日効老者五六日効○又方用半兩銅錢醋蘸燒爲末木香自然銅各一錢麝香少許爲極細末每服三罈頭嚼丁香一枚乳香一粒無灰酒一盞在上食後在下食前服如不折其藥反出服罷痛甚勿疑待一日如骨未接再服老者十餘日少者五七日愈○又方用定粉當歸各一錢礪砂錢半爲末每服一錢煎蘇木湯調下服後仍頻飲蘇木湯此藥能接骨續筋止痛活血○又方用接骨木半兩乳香半錢芍藥當歸川芎自然銅各一兩爲末以黃蠟四兩鎔開投藥末攪勻候溫衆手丸如龍眼大

若止傷損疼痛好酒一盞浸化一丸熱服若碎折筋骨先用此藥傳貼然後服之○又方用夜合樹皮去粗四兩炒黑色即合歡花樹芥菜子一兩炒爲末酒調二錢澄清臨卧服之以滓卷瘡上札縛定○又方用葱白砂糖等分爛研傳之痛立止仍無癥痕○又方用菘豆粉新鐵銚內炒紫色以新汲水調稀厚傳損處貼以紙將杉片夾定立効○又方用栢葉荷葉阜角俱生用骨碎補去毛等分爲末於折傷處揣定令入元位以姜汁調藥如糊攤紙上貼骨斷處用杉木片夾定以繩縛之莫令搖動三五日後開看以溫

葱湯洗之後再貼藥復夾七日如痛甚加沒藥○治一切打撲并金刀傷損身體血出用硫黃明淨者四兩花藥石一兩俱爲粗末拌勻先用紙筋和鹽泥固濟瓦罐一箇候泥乾入藥於內再用泥封口候乾安在四方磚石上書八卦五行字用炭一秤籠疊周匝自巳午時從下着火漸令上徹直至經宿火冷又放經宿罐冷取出細研羅過瓷盒盛貯但有損傷血出急摻此藥血自化爲黃水如內損血入臟腑熱煎童便入酒少許調一錢服立効若十觔腸出不損者急送入用細絲桑白皮尖茸爲線縫合肚皮縫上摻藥

血止立活如無桑白皮用生麻縷亦得並不得封裹瘡口恐作膿血如瘡乾以津液潤之然後摻藥婦人產後敗血不盡惡血奔心胎死腹中胎衣不下並用童便調服○治從高墜下及木石所壓一切傷損血瘀痛用大黃一兩酒蒸杏仁三七粒去皮尖研細酒一椀煎六分去滓鷄鳴時服至曉取下瘀血○若傷重便覺氣絕不能言取藥不及急擘開口熱小便灌之○又方用大黃黑牽牛赤芍藥當歸等分爲末每服二三錢熱酒調下約行六七里再用熱酒調牽牛末二錢催之須下惡血成塊若傷重大小便不通者

尤宜服此○又方用破故紙炒茴香炒辣桂等分爲末每服二錢鞞酒調下○又方用胡孫姜研爛取汁酒煎服滓傳傷處○又方用南星白芷半夏白芩黃藥赤小豆等分爲末姜汁調傳患處蜜調亦好○又方用澤蘭炒附子炮去皮各一分當歸炒蜀椒炒甘草炙桂心各三分川芎炒六分爲末每服二錢溫酒調下日三服忌生葱猪肉冷水菘菜立効○治打撲傷損敗血流入胃腕嘔黑血如豆汁用當歸白芍藥芎藭百合水浸半日荆芥穗等分每服四錢水一盞酒半盞煎七分服○治鍼灸傷經絡膿血不止用黃

耆四兩當歸兩半肉桂去粗木香別研沉香各半兩爲末用菘豆粉二兩姜汁煮糊丸如桐子大每服五十九丸熱水送下不拘時○治傷折閃肭用杜牛膝搗菴甚効孕婦勿服破血墮胎○治打撲傷損及閃肭骨節用接骨草葉搗爛菴患處立効○治閃肭手足疼痛用生姜葱白爛搗和麩炒熱盪之○治傷重者用生葱荆芥土當歸煎湯溫熱淋洗○治傷損筋骨碎斷即煎葱淋洗拔伸整頓令骨相續平正却用生姜汁或生地黃汁和水調攤帛或厚紙貼之次以木皮約如指大片躡排周匝以小繩緊縛三日

如前淋洗換藥貼裹候骨生牢方可去夾○又方用
穿山甲炒黃丁香皮各三兩土當歸一兩枇杷葉根
百草霜各半兩焙碾爲末以姜汁或地黃汁調貼傷
處○治傷重腸內有瘀血白芍藥熟地黃川芎當歸
等分每服三錢水盞半煎七分空心熱服○又方用
當歸大黃等分三錢水煎去滓空心熱服○治筋斷
骨碎痛不可忍用硼砂一錢半水粉當歸各一錢爲
末每服二錢煎蘇木湯調服仍時時飲蘇木湯立効
亦治飛禽走獸骨折○凡腦骨傷碎輕手搏平用藥
傳貼絹片包裹不可見風並有水恐成破傷風在髮內

損者須剪去髮傳之若傷磁太陽穴則不可治○凡
肩甲骨出用椅當圈住脇仍以軟衣被盛襯使人捉
定兩人拔伸却墜下手腕又令曲着手腕絹片縛之
○凡金井骨在脇之下有損不可夾縛只是捺平令
安貼用藥傳之兩脇骨亦然○凡跨骨從臀上出者
可用三兩人挺定腿拔伸用脚捺入如跨骨從檔出
則不可整○凡手骨出者若向左出則向右邊拔入
向右出則向左拔入○凡手脚骨皆有兩脛若一脛
斷則可治兩脛俱斷則不可治○凡傷損重者大槩
要拔伸捺正或取開捺正然後傳貼填塗夾縛拔伸

務要相近本骨損處不可挫去別骨節上○凡捺正
要時時轉動使活○凡傷重必用藥水泡洗然後塗
藥○凡夾縛夏三兩日冬四五日解開用熟藥水
洗去舊藥切不可驚動損處仍傅藥夾縛○凡損一
月尚可整理久則不可

衛生日簡方卷之九

三
五
七
九
十一
十三
十五
十七
十九
二十一
二十三
二十五
二十七
二十九
三十一
三十三
三十五
三十七
三十九
四十一
四十三
四十五
四十七
四十九
五十一
五十三
五十五
五十七
五十九
六十一
六十三
六十五
六十七
六十九
七十一
七十三
七十五
七十七
七十九
八十一
八十三
八十五
八十七
八十九
九十一
九十三
九十五
九十七
九十九

衛生易簡方卷之六

人見元

破傷風

本記

德藏書

家藏書

圖書

治破傷被風浮腫用杏仁研爛厚傅上却燃燭

之○治破傷風強直用防風天南星為末以醋

調作膏貼上及用二三匙童便煎服極效○又方用

蟬蛻二錢燒灰為末酒調服○又方用魚鱗灰存

性為末酒調服仍封瘡口○又方用桑條十長十

數根火上炙取汁熱酒調下○又方用

拘多少紙上焙乾為末入熟艾中和勻

七箇或十箇炙患處即愈○又方用晚香

切為末



NATIONAL CENTRAL LIBRARY, TAIWAN, R.O.C.

揭起瘡痂上藥却蓋之用醋調麵糊封之 更風出
後更揭餘半依前治之其風出盡更服 入方
用膠如瘡大一片浸濕火炙鎔貼之大妙○ 入方用
竹瀝飲二三盞口噤者斡開灌之忌冷飲食及酒○
又方用雄黃草烏防風等分爲末每服二三錢溫酒
調下忌鞣物一方加白芷○又方用斑蝥頭蝎稍尾
草烏尖附子蒂細研爲末量傷加酒熱酒調服○治
破傷風及金刀傷打撲損用黃蠟一塊投熱酒中化
開服立効與前方防風南星連用○又方用威靈仙
末半兩獨蒜一枚香汕一錢同搗熟 而

効

湯火傷

治湯火瘡用劉寄奴爲末先以糯米漿雞翎掃傷處
後摻藥末在上並不痛亦無痕但凡湯傷先用鹽末
摻之護肉不壞後用藥傳○又方用白芨末或白欵
摻傅生肌止痛○治火瘡敗壞用雲母粉同生羊髓
和如泥塗之○治湯火傷用雄白與蜜同搗塗甚効
○治熱湯火燒痛不可忍用石膏末傅之○治火瘡
末起用拖子仁燒灰麻油調厚封之已成瘡燒白糖
灰摻之燥即差○治湯火傷用藜削貼不爛止痛易

差○又方用胡桃肉燒黑杵如脂傳○又方用火燭
草晒乾爲末冷水調傳患處○又方用炭末水磨塗
之○又方用土硃磨塗○又方用桐油塗○又方用
栢葉搗爛傳傷處○又方用黃蜀葵花葉搗傳○治
湯火灼未成瘡用豆醬汁傳○又方用黍米麩麩等
分熬焦爲末雞子白調傳○治湯火傷退猪毛燒灰
油調傳二三次可愈○又方用雞子清酒調淋洗或
用蜜塗或雞子調韶粉塗或泥醋調或飛麩水調傳
○又方用楊梅皮爲末油調傳及以酒調淋洗○治
湯火敗壞及滅癩用風化石灰炒黃傾地上良久出

火毒研細生油調塗○治火燒悶絕用尿溺冷飲之
或冷水和蜜飲之○治湯火傷用好米醋蘸濕多年
舊窻紙貼上自然消愈○又方用稻草灰不拘多少
冷水淘七遍帶濕攤上乾即易若瘡濕焙灰乾油調
傳二三次可愈○又方用多年廟上坳走獸爲末小
油調塗立効○又方用生地黃汁入小油蠟同熬成
膏磁器內盛以雞翎蘸掃○又方用墻上青苔燒灰
小油調塗○又方用血餘灰以臘猪脂調塗○又方
用寒水石燒過爲末水調塗之○又方用大黃黃連
黃蘗黃芩白朮等分爲末水調成膏以雞翎蘸塗

掃大除腫痛○又方用多年乾白螺螄殼火煨爲末如瘡破乾摻不破入輕粉清油調塗○又方用大黃當歸等分爲末以清油調傅濕則乾摻○又方用赤石脂寒水石大黃等分爲末以新汲水調塗大去赤爛熱痛○又方用杉皮燒灰存性爲末濕則乾摻乾用雞子清調塗○治湯火傷未成瘡者用小麥炒黑爲度研細入膩粉油調塗之凡湯火瘡切不可冷水冷物搨之熱氣不出必致爛肉○治湯火傷用蘘白與蜜同搗塗甚効

箭刺傷

漁箭并針折在肉中用象牙細刮屑以水和傅上即出○又方用栝樓根搗爛傅之日三易自出○又方用齒垢和黑虱研傅及治惡刺○治竹木針刺入肉不出用牛膝根嚼爛飲之即出○又方用王不留行爲末每服湯調三錢下即出○又方用瞿麥爲末水調方寸服或煮汁飲日三次○又方用白梅細嚼傅之○又方用烏羊糞爲末水調塗或燒灰爲末臘豬脂調塗自出○又方用鹿角燒爲末和塗之一夕自出○又方用酸棗核燒灰爲末每服三錢水調下○治蘆葦刺入肉用栗子細嚼盪傷處○治針刺入肉

不出用生姜橘皮鮮薑等分研爲膏塗上以帛札定
即自出○治諸骨雜物刺及魚骨刺入肉不出用白
梅肉水煮爛研調象牙末厚傅刺處自軟立出咽中
刺則水調飲之○治刺毒腫痛用松脂爲末以帛封
其上○治惡刺用狐屎燒灰以臘豬脂和封孔上○
治刺湯中毒用鮎魚目燒灰塗之○治針入肉不出
用雙杏仁搗爛以車脂調勻貼上其針自出○治箭
頭不得出用葇荂科那夫字於端午前一日持不語尋
見此草言道先生你却在這裡那道罷用糞灰自東
南爲頭圍了以木楔子掀取周迴土次日端午日未

出時依前持不語用鑷只一鑷取出水洗淨不令雞
犬婦人見於淨室中以石臼搗爲泥丸如彈子大黃
丹爲衣以紙袋封懸於高處陰乾如有着箭不能出
者以緋絹裹此藥放臍中用帛裹肚繫定先用象牙
末貼瘡上後用前藥如瘡口生合用刀刺開貼之○治
箭傷止血定痛用定粉風化石灰乳香沒藥各一兩
枯白礬三錢各研爲末和勻摻上○治諸般針刺入
肉不出用乾烏羊屎十數粒爲末水調厚傅上即痛
止刺出○又方用黑豆研爛水調塗之○又方用草
麻子去殼爛研先以帛襯傷處傅上頓着若見刺出

即拔去恐藥緊弩出好肉或加白梅肉同研傅尤好
杖傷

治杖傷用黍米燒灰和油塗止痛不作癥黍米不可
與小兒食令不能行緩人筋骨令人好睡亦不得和
牛肉食生寸白虫○又方用五倍子去瓢米醋浸一
日慢火炒黃為末乾摻不破腫痛者以醋調傅○又
方用雄黃二分無名異一分細研水傅極效○又方
用水粉一兩赤石脂一錢生用水銀一分以麻油杵
成膏攤傘紙上貼之紫縛如肉陷者用此膏填滿然
後貼上立効○治杖瘡腫痛用大黃黃連黃蘗黃芩

各三錢乳香沒藥各一錢別研腦子少許為末冷水
調勻攤緋絹上貼瘡○治杖瘡并亞瘡癰疽腫癩發
背癢瘰寒濕冷刺痛皮膚頑麻手腫打撲腰骨閃肭
血氣毒氣鐵器所傷小兒頭瘡蜂蝎猪犬蛇虫所傷
湯火漆瘡臙瘡用黃豆五斤水飛乳香沒藥各二兩
木鱉子白芷白芨白欵當歸官桂杏仁血竭各一兩
槐柳枝各一斤截碎除乳沒竭卅外餘藥同清油五
斤浸三日鍋內熬黃瀘去滓次下黃丹以新柳條攪
卅至褐色投鍋下地不住手攪候藥烟盡下乳沒血
竭再攪候冷傾瓷器內收貯宜春三月秋七月修合

用時不得犯葷手火上鎔開攤好紙上貼之立効婦人吹奶丸如桐子大新水吞下二十九胎前產後腹刺痛温酒下三十九○治杖瘡毒疼痛用黃丹一兩蜜陀僧半兩輕粉錢半麝半錢龍腦一字爲末摻瘡上以青帛蒙之中留一竅○治打着不痛用無名異乳香沒藥地龍去土自然銅燒醋粹七次木鱉子去殼等分爲末煉蜜丸如彈子大温酒化下一丸臨時再飲酒一二盞自然打不痛一方加大草烏掘土坑一箇燒紅澆醋內草烏蒸之入用○又方末服前藥先用已出蛾末鹽燒灰存性爲末每服三錢酒調

下甚妙

蛇蟲傷

治諸蛇虫傷毒用青黛雄黃等分爲末新汲水調二錢服○又方用酥和鹽傅之差○又方用蒼耳嫩葉一握搗汁温酒和飲滓厚傅傷處口噤身强者灌之○又方用益母草搗爛厚蠶傷處○又方用鷺鴒傅之○又方用扁豆葉搗爛傅之○又方用獨蒜酸漿草搗傅傷處○又方用酒煖洗瘡上日三次○又方用蘇葉油浸塗傷處○又方用貝母爲末酒調盡量飲酒化爲水自傷處流出盡却以藥滓傅瘡上即

差○又方先問被傷人是甚重傷即默念火德星君
里殺攝吹在傷處自然不痛○又方用艾炷於傷處
灸三五壯拔去毒即愈○治蛇咬用水蓼搗汁飲滓
傅傷處○又方用茱萸一兩爲末冷水調分三服立
差○又方用櫻桃葉絞汁服滓傅傷處○又方用獨
蒜切片置傷處以熟艾灸七壯○又方用犬糞塗之
○又方用頭垢耳寒并泥蛭蚓糞和搗塗咬處黃水
出愈一方加白丁香○治蛇咬腫毒悶欲死用重臺
六分續隨子七顆去皮爲末酒服方寸匕及以唾和
少許傅咬處立差○又方用乾姜雄黃等分爲末傅
之兼辟蛇用絹袋盛繫臂上男左女右蛇聞氣遠避
○又方用五靈脂一兩酒洗去沙石雄黃半兩研細
酒調三錢灌之滓塗咬處良久再一服神驗○又方
用雄黃不拘多少爲末以蒿苳汁捏爲餅好酒化服
及用塗傷處○又方用細辛白芷雄黃爲末入麝少
許每服二錢溫酒調服○又方用地榆生絞汁飲及
濃煎漬之半日愈○治天蛇毒似癩非癩天蛇即草
間黃花蜘蛛人被其螫仍爲露所需乃成此疾多用
秦皮煮汁一斗旋飲之差○治蜘蛛咬一身生絲用
羊乳飲之差○治蜘蛛等虫咬用生姜汁調臘粉傅

之○又方用山豆根末和唾塗之○治蜈蚣傷毒用
桑汁白塩和塗之即愈○又方用烏雞屎水調塗或
用大蒜研爛塗皆効○又方用生姜汁調雄黃末貼
傷處○治蜈蚣蜘蛛毒用桑白皮搗汁傳之効○治
蚕咬人毒入肉用苧根搗汁飲之若以苧近蚕種則
蚕不生○治蝎螫痛不可忍用葱白切一片厚二分
置螫處以艾灸三五壯○又方用乾姜末唾調塗之
○又方用白礬南星末塗疼處即止○治蜈蚣咬凡
破傷急以手指於地上乾處書王字內撮土摻在咬
處即愈○又方用耳塞少許塗咬處疼即止○治蟻

蟻咬用柵葉燒灰以泔別浸柵葉洗瘡拭乾塗少許
於瘡○治蝎子蜈蚣諸毒虫所傷用香油燃燈吹滅
以餘烟燂之○又方用雞糞塗之○治蛇入人竅中
急以手捻定用刀刻破以辛辣物置破尾上用綿繫
之自出不可拔○治蛇虫咬用苦黃搗厚傳之差○
又方用葦葉生搗傳之毒即出○治蜘蛛咬用
油麻研傳之○治虫刺螫人用豉熟蠶傳之少頃見
豉上毛即差不見又傳晝夜勿絕見毛為度○治蜂
萬用醋磨雄黃塗○又方接薄荷貼之○又方用蜂
房末猪脂調傳煎湯洗亦得○治蛇咬狗咬虺蟻瘡

並用山豆根水研傅之○治蠮螋尿人影着便令人
體病瘡如粟粒累累痛似刺虫所螫惡寒壯熱用犀
角磨汁塗之則愈○治蛇犬及狂狗咬用蚯蚓糞和
鹽研傅神效○治毒蛇射弓沙虱等傷着人眼黑口
噤手足強直毒氣入腹用白礬甘草等分爲末每服
二錢冷水調下○治射弓及疰氣發無常處用芥菜
子作丸服之或爲末醋和塗之隨手有驗○治鼠咬
腫痛用猫蚤填咬處○治人咬傷用龜板或蟹板燒
灰爲末香油調塗○治蜂蝎螫人用人參苗細嚼搗
擦之立效○治黃蜂螫用鞞酒洗之立效○又方用

清油搽之愈○治蛇傷用馬蘭草即昔前菊生搗傅
傷處亦解酒疸止鼻衄合金瘡○治諸惡虫蛇螫用
地松搗傅之○治虫蚕蜘蛛等咬用灰薑搗碎和油
傅之亦治惡瘡○治蛇傷用小青一握細研入香白
芷半兩酒調服却以手捻患處候黃水出爲效○治
蜈蚣傷用蜈蚣草晒乾爲末入鹽少許水調傅患處
能解諸毒○治蛇傷犬咬一切虫毒用試劍草搗爛
貼之○治毒蛇傷用好醋一二碗服令毒氣不隨血
走或飲清油一二盞亦可及以頭繩扎定傷處兩頭
次用白芷末半兩白水調服頃刻咬處黃水出盡腫